



Lia Rumantscha

Intergruppo parlamentare  
ITALIANITÀ

Plurilinguitad  
Plurilinguismo  
Plurilinguisme  
Mehrsprachigkeit  
CH



Communicaziun a las medias  
ils 21 da settember 2020

## Il «Di dal plurilinguisssem» en il parlament ed en l'administraziun federala

Gievgia, ils 24 da settember 2020, ha lieu en l'edifizi dal parlament il segund «Di dal plurilinguisssem». Las parlamentarias ed ils parlamentaris èn envidads da s'exprimer en in'otra lingua naziunala che l'atgna e da participar ad ina lecziun d'introducziun en il rumantsch. La saira vegn en pli preschentà in cudesch quadriling, ed i dat plets dal cusseglier federal Ignazio Cassis, da la presidenta dal Cussegl naziunal Isabelle Moret, dal president dal Cussegl dals chantuns Hans Stöckli e dal directur general da la SRG SSR Gilles Marchand.

Sch'insatge na pertutga betg il cusseglier federal Cassis, discorra el da giabus («Non sono cavoli nostri»), ils cussegliers federals Berset e Parmelin da tschagulas («C'est pas nos ognions»), entant che las cusseglieras federalas Amherd, Keller-Sutter e Sommaruga sco er il cusseglier federal Maurer fan allusiun a la gervosa («Das ist nicht unser Bier»). E sch'els discurren rumantsch (vallader), renviassan els a l'amulain («Quai nun es teis amulain»). Il segund «Di dal plurilinguisssem» na vai ni per verduras ni per alcohol, mabain per la diversità culturala da nossas quatter linguas naziunalas.

Per promover il plurilinguisssem er a l'intern da las autoritads èn las commembras ed ils commembers da l'administraziun federala e dal parlament envidads ils 24 da settember da s'exprimer en in'otra lingua naziunala che lur lingua materna. En il parlament discurren per passa 70 pertschient tudestg. Las parlamentarias ed ils parlamentaris pon era participar ad ina lecziun d'introducziun en la lingua e cultura rumantscha. Parallelamain han lieu en l'administraziun federala dals 21 fin ils 26 da settember ils «Dis dal plurilinguisssem – E co disti?». Quels dis organisescha e coordinescha la delegada federala per il plurilinguisssem.

La saira dal «Di dal plurilinguisssem» ils 24 da settember envida sco finiziun festiva l'uniun Helvetia Latina e las gruppas parlamentaras «Mehrsprachigkeit CH», «Italianità» e «Lingua e cultura rumantscha» a la preschentaziun dal cudesch [«Ûn viadi e 4 servezzans – 4 piccioni con una fava – D'une pierre 4 coups – 4 Fliegen mit einer Klappe»](#), concepì da Nicole Bandion. La publicaziun cumpareglia a moda umoristica las modas da dir da nossas linguas naziunalas (vesair l'exempel al cumenzament da la communicaziun a las medias).

A chaschun da quella occurrenza datti en pli plets dal cusseglier federal Ignazio Cassis, da la presidenta dal Cussegl naziunal Isabelle Moret e dal president dal Cussegl dals chantuns Hans Stöckli. Ultra da quai preschenta Gilles Marchand, directur general da la SRG SSR, la nova plattform da streaming «PlaySuisse» che porscha cuntegns svizzers da tut las regions linguisticas en pliras linguas.

*Gugent As gidain nus ad organisar intervistas avant u durant l'occurrenza (per exempel cun parlamentarias e parlamentaris, cun l'autura dal cudesch Nicole Bandion u cun l'organisatur da la lecziun d'introducziun en la lingua e cultura rumantscha, Conradin Klaiss da la Lia Rumantscha) ed As dain ulteriuras infurmaziuns en connex cun il plurilinguisssem en Svizra. Dumondas: [info@forum-helvicum.ch](mailto:info@forum-helvicum.ch).*



Lia Rumantscha

Intergruppo parlamentare  
**ITALIANITÀ**

Plurilinguitad  
Plurilinguismo  
Plurilinguisme  
Mehrsprachigkeit

CH



## Ulteriurs contacts

**Laurent Wehrli**, president da Helvetia Latina e cusseglier naziunal  
079 221 80 62, [laurent.wehrli@parl.ch](mailto:laurent.wehrli@parl.ch)

**Hans Stöckli**, cusseglier dals chantuns e president da la gruppa parlamentara  
«Mehrsprachigkeit CH», 079 770 83 58, [hans.stoeckli@parl.ch](mailto:hans.stoeckli@parl.ch)

**Anna Giacometti**, cussegliera naziunala e copresidenta da la gruppa parlamentara  
«Italianità», 079 403 68 22, [anna.giacometti@parl.ch](mailto:anna.giacometti@parl.ch)

**Marco Romano**, cusseglier naziunal e copresident da la gruppa parlamentara «Italianità»,  
079 425 14 31 [marco.romano@parl.ch](mailto:marco.romano@parl.ch)

**Martin Candinas**, cusseglier naziunal e president da la gruppa parlamentara «Lingua e  
cultura rumantscha», 078 841 66 86, [martin.candinas@parl.ch](mailto:martin.candinas@parl.ch)